



## Sud Bosne i Hercegovine

## Суд Босне и Херцеговине

Broj: Su-08-24/21

Datum: 24.02.2021. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05, 60/11 i 25/17) na preporuku Stalne komisije za javne nabavke Suda BiH broj: Su-08-23/21 od 24.02.2021. godine u postupku javne nabavke kancelarijskog materijala – 22800000-8, donosim

**ODLUKU**

o izboru najpovoljnijeg ponuđača za nabavku kancelarijskog materijala

**član 1.**

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-23/21 od 24.02.2021. godine, te se Ugovor za javnu nabavku **kancelarijskog materijala** - oznaka i naziv iz JRJN: 22800000-8 (uredski materijal) dodjeljuje ponuđaču „**ELKOM**“ d.o.o. Vitez, sa sjedištem na adresi Ul. Divijak bb, sa ponudom broj: 8-1/21 od 15.02.2021. godine i nakon sprovedene e-aukcije za ponudenu cijenu u iznosu od **19.376,00 KM** bez PDV-a.

**član 2.**

Ugovor o nabavci dostaviti će se na potpis izabranom ponuđaču „**ELKOM**“ d.o.o. Vitez po proteku roka od 15 dana računajući od dana kada su svi ponuđači obavješteni o izboru najpovoljnije ponude.

**član 3.**

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

**član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke kancelarijskog materijala broj: Su-08-04/21 od 27.01.2021.godine. Javna nabavka je provedena putem otvorenog postupka broj: Su-08-06/21, a procijenjena vrijednost javne nabavke bez PDV-a je 25.650,00 KM. Obavještenje o nabavci objavljeno je na portalu javnih nabavki pod brojem 243-1-1-2-3-2/21 od 27.01.2021. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke kancelarijskog materijala. Komisija je blagovremeno i pravilno izvršila javno otvaranje ponuda dana 18.02.2021. godine i sačinila Zapisnik o otvaranju ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da su blagovremeno pristigle četiri (4) ponude („ELKOM“ d.o.o., „DEFTER“ d.o.o., „AERO-EXCLUSIVE“ d.o.o. i „PLAN PLUS“ d.o.o.); da nije bilo neblagovremeno zaprimljenih ponuda; i da su sve ponude ponuđača ocijenjene prihvatljivim i u skladu sa tenderskom dokumentacijom.

Za ovaj postupak je predviđena elektronska aukcija (e-aukcija). Sve prihvatljive ponude („ELKOM“ d.o.o., „DEFTER“ d.o.o., „AERO-EXCLUSIVE“ d.o.o. i „PLAN PLUS“ d.o.o.) su dana 19.02.2021. godine unesene na web portal javnih nabavki BiH radi zakazivanja e-aukcije. E-aukcija je zakazana za 23.02.2021. godine sa početkom u 11.00 sati i planiranim završetkom u 11.30 sati. Period trajanja e-aukcije je bio od 11.00 sati do 12.04 sati. Ponuđači koji su pozvani da učestvuju u e-aukciji su podnosili nove cijene, te je nakon završetka e-aukcije kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača „ELKOM“ d.o.o. Vitez sa ponuđenom cijenom od 19.376,00 KM bez PDV-a, drugorangirana je ponuda ponuđača „AERO-EXCLUSIVE“ d.o.o. Sarajevo sa ponuđenom cijenom od 19.400,00 KM bez PDV-a, trećerangirana je ponuda ponuđača „DEFTER“ d.o.o. Sarajevo sa ponuđenom cijenom od 22.700,00 KM bez PDV-a i četvrtorangirana je ponuda ponuđača „PLAN PLUS“ d.o.o. Zenica sa ponuđenom cijenom od 25.008,40 KM bez PDV-a.


U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Nakon okončanja e-aukcije nesporno je da je prvorangirani ponuđač „ELKOM“ d.o.o. Vitez izabran primjenjujući kriterij najniže cijene koja je ponuđena u iznosu od **19.376,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.



**PREDSJEDNIK SUDA**  
**Ranko Debevec**

*[Signature]*